

2.  
(2)  
Zweiter Brief

f

Apr. 715  
62

I. N. I.

AD ACTUM ORATORIUM

De

AGNO PASCHALI,

Futura olim prænunciante,

Honorem,

CHRISTI PATIENTIS,

promovendi causa,

In Lyceo Torgensi,

Anno, Salutiferi patris, M DCC XV.

die XVI Aprilis,

Hora pomeridiana I. & seq.

tam visui quam auditui

Exhibendum,

Honorandos PATRONOS, FAUTORES

& AMICOS,

Quam humillimè invitat:

PETRUS PAULUS FEKNO,

Supra nominati Lycei Rector.



TORGÆ,

Typis JOHANN, ZACHARIE HEMPEL.





## Vod si olim gentiles, in veritate Di-

vina, talpis cœciores, nullum opus inchoaverint, nisi prius, deastrum aliquem, in auxilium vocaverint; vid. Virg. Libr. 1. georg. v. 5. & seq. Lib. 2. georg. v. 4. & seq. item Ovid. Libr. metamorph. l. v. 2. Hesiod. Libr. oper. & dier. v. 2. ut alios tacemus: multo magis nobis conveniet, Christi cultoribus, quibus satis lucida, Veritatis Divinae lux, gratiose emicuit, verum illud, cœleste, & Trinunum NUMEN, aliquid molituris, devota invocatione sollicitare. Imploramus itaque Idem, hac in parte, & omnibus ab Eodem contendimus precibus: ut ceptis nostris adesse velit, & quidem eo benignius & propensius, quo majori studio eadem, ad sui sanctissimi Nominis Honorem, directa esse novit. Hoc tremendum NUMEN, cum Natura benigna, nihil solet facere frustra: mittit prodigia, præsentat visiones & semina, ordinat typos; quia his futura, terrigenis prænunciare, Eidem perplacet. Sæpe profecto, per prodigia, Eiusdem nutu, futura mortalibus, quancquam in umbra tantummodo quadam, ante oculos posita fuerunt, tam gentilibus & infidelibus, quam fidelibus. Julii Cæsaris mors, prænunciata fuit, per varia prodigia. vid. Virg. Libr. 1. georg. sub finem. Suet. in vita Jul. Cæs. pag. m. 38. §. 81. Servii Tullii Majestas Regia contra, denunciata fuit per flammam lambentem. vid. Liv. libr. 1. pag. m. 18. in fol. Valer. Max. Cap. VI. de prodig. §. 2. Xerxis fuga ex Græcia, adumbrata fuerat per leporem, si credere fas est. Vid. Valer. Max. cap. VI. de prodig. in extern. §. 1. Urbis Siculae maritimæ, nomine Bellinæ, nunc Panormi seu Palermi, ingens ruina, terræ motu & flamma accelerata, per prodigiosum quoddam monstrum, quasi penicillo delineata fuit in futurum. Vid. Horolog. Princip. Antonii de Guevara, libr. 3. cap. 7. Cum Longobardi, in Italiam transire decrevisset Itali cuncti, manifestè igneas in cœlo acies, acerrimo inter se prælio concurrere, viderunt. Vide Autorem citatum, libr. 1. pag. 73. num. 56. Ladislai, Regis Hungarorum mortem, præcesit horrendus cometes, quem nigrum appellarunt; nec non varia, ipsius Regis infœmnia. vid. Anron. Bonf. decad. 3. libr. 8. pag. m. 368. Sic insolitus pallor, Ludovico, pariter Hungarorum Regi, galea armato & munito, certissimam præsagebat mortem, in bello contra Solimannum, Turcarum Imperatorem. vid. Aut. cit. in Johannis Sambuci appendice, pag. 565. Silentia denique oraculorum, apud gentiles ita dictorum, Nativitatem Christi, Salvatoris totius mundi, mox secuturam, portendebat; hinc responsum illud, Delphici Dæmonis, ad Augustum, Imp. Rom. toties ex oraculo muto, de successore in Imperio quærentem:

Me puer Ebræus, divos Deus ipse gubernans  
Cedere sede jubet, tristemque subire sub orcum:  
Aris ergo dehinc, tacitus discedito nostris.

Unde

Unde ara, primogeniti Dei, orta, teste Christiano Matthiae, in theat. Histor. & quidem in Augusto pag. 70. ex Nizephor. Libr. 1. cap. 17. Sed quæ omnia prodigia, res futuras denotantia; enarrare possit? quæ, ut iure statuerimus, vel nutu, vel permissu Divino, utique acciderunt. Hæc fuerunt futura, per prodigia prænuntiata; jam vero accedendum ad ea, quæ per visiones & somnia determinata fuerant: quorum fundamentum, in sacris delineatissimis. Audiamus, de his visionibus, & somniis, Prophetam Joëlem, ita vaticinantem: & post hæc effundam spiritum meum, super omnem carnem: & prophetabunt filii vestri, & filiae vestrae: senes vestri, somnia somniant; juvenes vestri, visiones videbunt. Joëlis 2. cap. v. 28. Ex quâ propheta discimus: primo, quod jam tum, Sacerdotio Levitico, finis denotatus fuerit, teste Luthero, viro entheo. Deinde, hinc hoc patet: quod Deus per Opt. Max. omnino per visiones & somnia, hominibus, futura ante oculos ponere, solitus fuerit, præsertim ante Christum natum. Nonne Moysi, ope visionis, in ardente illo & viridi rubo, SS. mysterium, tam incarnationis Christi, quam illæ virginitatis, beatissimæ virginis Mariæ, ostensum fuit? utique, de quo vid. Exod. 3. cap. Nonne per egregium baculum, & ollam, seu aquam ebullientem visam, Propheta Hieremiæ, futura populi Israëlitis calamitas, à Deo monstrata fuit? Hier. cap. 1. v. 11. & seq. utique. Ut jam plures alias visiones taceamus; quæ tam crebræ erant, ut Propheta, per eas futura videntes, ab iis denominati fuerint. Ad has visiones, futura denotantes, referenda sunt etiam somnia quædam; quibus Divinum Numen, hominibus futura patefacere voluit. Castissimo juveni Josepho, futura in Ægypto Eminentia, à Deo per somniuti prædicta fuit. Genes. cap. 37. Archipincernæ Pharaonis, restitutio muneris; Magistro pistorum vero, supplicium. Gen. Cap. 40. Pharaoni denique, septem fertiles, & septem steriles anni, Gen. cap. 41. ut, jam ea, quæ Nebucadnezari, & Astyagi, in Monarchia prima, per somnum denunciata fuerant, prætereamus. Nec non ea, quorum Cicero, in Oñirocriticis suis, mentionem facit. Imo, ut & de visionibus Apostolorum in N. T. per somnia factis, nihil dicamus, cum nobis propterandum sit ad id, de quo in nostro actu oratorio, præcipue agetur. Ut itaque, partim per prodigia, partim per visiones, partim per somnia, Deo placuit prædicere futura, & quidem tam permissivè, quam per nutum suum Divinum; ita Is, dilectissimi sui filii passionem, cum per varicinia, v. gr. vaticinium D. vidis, Pl. 22. per vaticinium, Es. cap. 53. & alia. Cum per typos varios, præsertim per agnum paschalem, prænunciare hominibus voluit. Non sine causa dicimus, præsertim per agnum paschalem: nam, nostro debili iudicio, in nullo typo, Christi passionem adumbrante, tam accuratè, omnes circumstantiæ passionis Christi, delineatæ fuerunt, quam in agno paschali, teste Bocharto, in Hieroz. de agno paschali. Hinc etiam, ad dehorandam accuratissimam evidentiam hujus typi, Apostoli sancti, Christum ipsum in scriptis suis, mox pascha, 1. Cor. 5. v. 7. mox vero agnum appellant. Joh. 1. cap. v. 2. Bochartus sane, in suo Hierozoico, cum aliis viris eruditis observavit: quod Christus dulcissimus, in Apoc. Joh. 28. locis, nomine agni insignitus sit. Pulcherissime profecto, agnus enim; est innocentissimum animal, Christus autem Innocentia ipsa; ut Pilati uxor de ipso testabatur; imo Pilatus ipse. Matth. 27. v. 19. & 24. ubi quidem Christus vocatur justus, sed justus & innocens, sunt Synonyma. Agnus est animal patientissimum, Christus vero est ipsa patientia, quod patet ex 1. Petr. cap. 2. v. 23. Agnus est animal purum. Christus pariter, est ipsa puritas, quod iterum, ex allegato capite Epist. Petrine, v. præcedente, liquido emergit. Sanguis agnorum, hoc in casu, in Ægypto primum mactatorum, conservavit omnem primogenituram Judæorum, Exod. 12. Christi sanguis simili modo, conservat omnes vere credentes, 1. Joh. 1. Joh. Ev. 3. cap. Præterea, non quivis agnus promiscuè, sed selectus ex pluribus, ad paschale sacramentum fuit destinatus; Christus etiam, statim ab exordio mundi, ex omnibus hominibus, fuit selectus, ad satisfaciendum, pro

ro genere humano. Gen. 3. v. 15. Et quod notatu dignissimum: eodem tempore, Christus ad patiendum Hierosolymam venit, quo agni ad maclandum seligebantur, id quod patet, ex 12. cap. Joh. At, etsi multæ adhuc circumstantiæ, circa hunc agnum paschalem restant, quæ ceu typi, Christum passurum respiciebant; tamen, quia prolixitas tædiosa omnino vitanda, tandem definiendum: præsertim, cum optimæ spei adolescentēs & juvenēs, omnia sup- plere perorando, sint parati sequentes:

1. CASPARUS FRIEDERICUS WECHTLERUS, Jüroboc. Saxo.  
Perorabit de Festi Paschatos & agni paschalis denominatione.
2. JOHANNES FRIEDERICUS RICHTERUS, Mühlberg. Misi.  
Dicet, de maclandi agni paschalis tempore.
3. CHRISTIANUS DANIEL KÖRNERUS, Torg. Misi.  
Disseret, de agni paschalis maclandi loco.
4. FRANCISCUS PAULUS FEKNO, Torg. Misi.  
Verba faciet, de personis agnum paschalem maclantibus.
5. JOHANNES CHRISTOPHORUS SINNERUS, Welsäv. Misi.  
Habebit meditationem, de modo maclandi agnum paschalem.
6. AUGUSTUS THEODORUS HOFFKUNZ, Torg. Misi.  
Exponet Musicam Israëlitarum.
7. JOHANNES TOBIAS SCULTETUS, Jütr. Sax.  
Producet sodalium, agnum paschalem comedens.
8. MARTINUS NIMPACHIUS, Jütr. Sax.  
Compenfabit omnia à præcedente.
9. CHRISTIANUS ALBERTUS AM ENDE, Graffenh. Sax.  
Referet de duplici Victimâ paschali.
10. JOHANNES FRIEDERICUS CLEMENT, Grosboth. Misi.  
Inquiret in amissionem agni paschalis.
11. PAULUS EHRENFRIED BAUERUS, Belgr. Misi.  
Perfringeret agnum paschalem, ex improvilo commutatum.
12. JOHANNES GOTTLIEB VATERUS, Torg. Misi.  
Faciēt mentionem, de commutatione aliorum sacrificiorum, ex composito.
13. DANIEL GODOFREDUS SCHULTZIUS, Torg. Misi.  
Commemorabit agni paschalis immunditiam & separationem.
14. CHRISTIANUS BENJAMIN CLARUS, Borac. Misi.  
Revocabit in memoriam pensam, fermentum edentibus in paschate irrogatam, & enucleabit Myfteria, in inquisitione fermenti latentia.
15. JOHANNES CHRISTOPHORUS KRETZMARUS, Schweinitz. Sax.  
Narrabit de agni paschalis estu.
16. JOHANNES GODOFREDUS SCHUBART, Schwein. Sax.  
Ventilabit sodalium hominum ad secundum Pascha pertinentium.
17. GOTTHARDUS HENRICUS BARTZSCH, Priestebf. Misi.  
Sifset prohibitam, extra sodalium deportationem, particulæ agni paschalis.
18. JOHANNES GEORG. SEUTZ, Belgr. Misi.  
In lucem proferet immunditiam Ecclesia.
19. JOHANN. THEOPHIL. GRODIG, Dresf. Misi.  
Evellet perorando herbas amaras.
20. JOHANN. THEOPHIL. DEUTTRICH, Belgr. Misi.  
Occupatus erit dicendo, circa ossa agni paschalis non constringenda.
21. FRIEDERICUS AUGUST. de DRANDORF, Eqves Misi.  
Movebit perorando fermentum paschale.
22. BERNHARD. SIEGISMUND; de KÖNRITZ, Eqves Lus.  
Prohibebit, relinquere aliquid de agno paschali, in diem crastinum.
23. JOHANNES GODOFREDUS STENTZEL, Torg. Misi.  
Pinset perorando panes azymos.  
Ex his optimæ spei adolescentibus & juvenibus, omnium primus, Juvenis probus, & scholastica eruditione satis perpolitus, & ita in commodum Patriæ natus, ad huc semel prodibit, Græca lingua valedicturus, nempe:

CASPARUS FRIEDERICUS WACHTLERUS.



78 M 437



TA → 06


kein Rest.

nur 51. Stk veranlagt bisher

I

1077








Apr. 715  
62

I. N. J.  
AD ACTUM ORATORII

De  
IGNO PASCHALI,

Futura olim prænunciante,



m,

TIENTIS,

causa,

orgensi,

M DCC XV.

rilis,

a I. & seq.

auditui

m,

NOS, FAUTORES

COS,

invitat:

US FEKNO,

ycei Rector.

E,

ARIE HEMPL!